

QUARESIMA 2020

Al tempo del “coronavirus”

Che Quaresima, quest’an, me car Signor,
A vedé tanti cristian che, senza cor,
Giren i Ges a cercà, senza pressa,
Se in ‘na queivuna troeven ‘na Messa.
Ma la troeven voeja la sua solita Gesa
Pien hin domà i sit in doe fan la spesa
Per comolà on sac de roba, poeu per cos’è?
Ch’avrem de lassà chi tutt inscì come l’è!
Tasen i campan, com’el Venerdì Sant
Mort i candel, sec i aquasant.
‘Na quei anima bona scondù in d’on canton
La dis sotavos i so orazion.

“Deserto e vuoto, deserto e vuoto

E le tenebre sopra la faccia dell’abisso”

Com’el canta Eliot in di so Cori, propi li
Roba del secol passà, ma l’è ancamò inscì!
Chissà che la mancanza del To Santo Pan
La me faga vegnì de Ti ‘na gran fam!
Che de Ti podom no propi sta senza:
De la Tua compagnia, de la Tua Presenza!